

## ব্র্যাকের মাঠ পর্যায়ের কার্যক্রম পরিচালনাসংক্রান্ত জরুরি নির্দেশনা

ব্র্যাকের মাঠ পর্যায়ের সকল অফিস সাপ্তাহিক ছুটির দিন ব্যতীত ১৩ই এপ্রিল ২০২০ তারিখ পর্যন্ত খোলা থাকবে। পরবর্তী নির্দেশনা না দেওয়া পর্যন্ত কর্মীরা নিজ নিজ কর্মস্থলে থাকবেন। ব্র্যাকের সকল কর্মসূচির কর্মীরা চলমান করোনাভাইরাস (কোভিড-১৯) সংক্রমণ মোকাবিলায় জনগণের সচেতনতা বৃদ্ধি এবং খাদ্য নিরাপত্তা বিষয়ে ব্র্যাক কর্তৃক গৃহীত কার্যক্রম সম্পাদন করবেন। এর বাইরে স্ব-স্ব কর্মসূচির নির্দেশনা মোতাবেক অন্য কার্যক্রমও পরিচালনা করবেন। সরকার যেসব এলাকায় লকডাউন ঘোষণা করেছে, সেসব এলাকায় ব্র্যাকের সকল অফিস বন্ধ থাকবে। তবে, কক্সবাজারের মানবিক সহায়তা কর্মসূচির জন্য লকডাউনের এই নির্দেশনা প্রযোজ্য হবে না।

বয়স্ক ব্যক্তি এবং যারা দীর্ঘদিন ধরে অসুস্থতায় ভুগছেন তারা করোনাভাইরাস (কোভিড-১৯)-এ আক্রান্ত হওয়ার ঝুঁকিতে রয়েছেন। এই পরিস্থিতিতে, নিম্নে উল্লিখিত বৈশিষ্ট্য সম্পন্ন কর্মীদের বাসা থেকে কাজ (work from home) করার জন্য বলা হলো:

- যে সকল কর্মীর বর্তমান বয়স ৫০ বা তার চাইতে বেশি
- যে সকল কর্মীর বয়স ৫০ বছরের নিচে, তবে দীর্ঘদিন ধরে জটিল রোগে ভুগছেন যেমন: উচ্চ রক্তচাপ, ডায়াবেটিস, অ্যাজমা, ব্রংকাইটিস, যক্ষ্মা ইত্যাদি এবং চিকিৎসা নেওয়ার পরেও রোগ নিয়ন্ত্রণে নেই
- যে সকল নারীকর্মী অন্তঃসত্ত্বা
- যে সকল নারীকর্মী সন্তানকে বুকের দুধ পান করান
- যে সকল কর্মী শারীরিকভাবে অক্ষম (সাময়িক) বা প্রতিবন্ধী কর্মী

যে সকল কর্মী বাসা থেকে কাজ করবেন, সংশ্লিষ্ট তত্ত্বাবধায়ক উপরোক্ত বৈশিষ্ট্যের আলোকে তাদের তালিকা তৈরি করে আঞ্চলিক/জেলা পর্যায়ের তত্ত্বাবধায়কের অনুমোদন নেবেন এবং তা দায়িত্বপ্রাপ্ত সংশ্লিষ্ট মানবসম্পদ কর্মীর কাছে পাঠাবেন। তালিকাভুক্ত কর্মীগণ কর্মএলাকা ত্যাগ না করে স্ব-স্ব কর্মসূচির নির্দেশনা মোতাবেক দৈনন্দিন কাজ সম্পাদন করবেন। তবে বর্তমান পরিস্থিতিতে কর্মীদের ব্যক্তিগত নিরাপত্তা এবং যাতায়াত/পরিবহন ব্যবস্থার প্রতিবন্ধকতা বিবেচনা করে সকল কর্মসূচি কর্মসম্পাদনের ধরন নির্ধারণ করবেন। স্ব-স্ব কর্মসূচির কার্যক্রম পরিচালনায় জরুরি প্রয়োজন ছাড়া মাঠ পরিদর্শন বা অফিসে হাজিরা বাধ্যতামূলক নয়। মাঠ পর্যায়ের কর্মীদের সার্বিক নিরাপত্তার কথা বিবেচনা করে স্থানীয় তত্ত্বাবধায়ক কর্মীদের মাঠ পরিদর্শন এবং অফিস হাজিরা থেকে বিরত রাখার সিদ্ধান্ত গ্রহণ করতে পারবেন।

ব্র্যাকের কোনো কর্মী যদি জ্বর, কাশি ও শ্বাসকষ্টে ভোগেন তাহলে অবশ্যই এইচএনপিপি প্রদত্ত হটলাইনে (০১৭৩০৩৪৯৫৭১, ০১৭৩০৩৫০০২২, ০১৭১১১৭৩০৭৪, ০১৭৩০৩৫০৪৪৩, ০১৬৭০৮২৬৯৯২, ০১৭৫৭৭৫৮৮৩০, ০১৮৯৩০৩৪৫৪৩, ০১৭৩০৩৪৯৭৯৩, ০১৭১৩০৯৫২৭৯, ০১৭১১৩৬৩৭৬৩, ০১৭১২১১৩৫৩৬, ০১৭০৮৪৯৮৬৬৯, ০১৭৮৭৬৬৯৬৫৪, ০১৯৩৫৪২০৯৭৫) অতি দ্রুত যোগাযোগ করবেন। সেইসঙ্গে ব্র্যাকের করোনারোধ অ্যাপটি (<https://coronarodh.brac.net/>) ব্যবহার করে করোনাভাইরাস সংক্রমণের স্ক্রিনিং করে নেবেন।

এই নির্দেশনার বাইরে ১৯, ২৩ ও ২৪শে মার্চ ২০২০ তারিখে জারিকৃত নির্দেশনাসমূহ যথারীতি কার্যকর থাকবে। করোনাভাইরাস (কোভিড-১৯) সংক্রমণ মোকাবিলায় ব্র্যাকের সকল কর্মীর সুস্থতা এবং তার নিশ্চয়তায় ব্র্যাক কর্তৃক গৃহীত কার্যক্রমে অংশগ্রহণ করা অত্যন্ত জরুরি।

*Mee Heng*  
পরিচালক  
মানবসম্পদ বিভাগ